

quarta feria, cum quatuor tempora &c. instarent. Item: Tunc recessit Juuenis Schenk de Limpurg (Academiae, ut videtur, discipulus). Zetter, Gruer detenti per principem Albertum 5^{um} (homines fortasse factiosi uni Tutorum ejus adhaerentes). Tunc erat magna pestilentia in franconia. Haftenus homo temporum suorum curiosus.

VII. fol. 128. Concordancie, ut e calce adsumo, super totam summam fratris thome super 4 scripta sententiarum et super summam contra gentiles secundum ordinem alphabeti. Accedit Alia tabula super scriptum quarti (Sententiar.) et Contradictiones sancti thome, quibus tamen alia manus superimpofuit: Has contradictiones non credo omnes posse reperiri in scriptis sancti Thome. Quin et ipse Librarius ita finit: De his autem contradictionibus vide concordanciam in quodam libro super hoc specialiter compilato. Nos jam utrumque alibi hoc Volumine retulimus.

VIII. fol. 170. Articuli, ut in calce habetur, Parysius dampnati. Habetur ejusmodi Syllabus in Bibl. PP. Lugd. T. XXV. p. 329, alius ad calcem Sententiarum Pet. Lombardi edit. Lovan. 1546. f. Omnes habent Stephani Templarii Ep. Parisini Praeloquium, quod incipit: Universis presentes literas inspecturis Stephanus permissioe diuina parysiensis ecclesie minister &c. sed istud aliis a. 1270. aut 77. nobis vero a. 1286. datum est. Praeterea Articuli in nostro Codice ad alphabetum coordinati

sunt, et adpendice instructi, quae VII. Articulos continet circa formam Corporis humani Oxonii condemnatos nulla temporis addita mentione.

IX. fol. 175. Hic annotatur Decretum abbreviatum, in quo sub planis verbis continetur tota vis id est intencio decretorum, omnes distinctiones, cause et cuiuslibet cause questiones, et cuiuslibet questionis solutio regulariter declarata prout secundum Magistrum Gratianum determinantur in decretis. Haec Inscriptio labore levat plura dicendi. Addit tamen Scriptor: Explicit Auratum. (Decretum?) satis incorrectum propter exemplar.

X. fol. 178. p. 2. Incipiunt Rubrice et principia decretalium in quinque libros ipsarum; videlicet Gregorii IX.

XI. fol. 184. p. 2. Vfus chilindri. Initium: Pars 8 que est de usu chilindri 4^o habet Capitula, quorum primum est de altitudine solis, 2^o de punctis umbre, 3^o de horis diei 4^o de altitudine rei. Succincta ad Gnomonicen Institutio, nescio unde, evulsa.

DXV.

Codex membraneus lat. Sec. U. 314

XIV. Folior. nunc 180. f. maj. per duas columnas caractere crassifuculo, pallidiore exaratus, coloribus illustratus, sed aevo aliquantum adtritum, et olim, ut Theca praefert, a M. Petro de Pirchenwart datus ducali Collegio Commentarius vastus est in Libb. I. et

II. Sententiarum Petri Lombardi folio primo multatus ita, ut nunc initium sit: *— sit in potentia passiva ad actum suum &c.* finis vero Libri I. bene potest tamen esse ratio predeterminans ut recipiatur in decreto secundum dictum modum. Jam Liber II. hoc rubro gaudet: *Liber secundus fratris Roberti concenen, ordinis fratrum minorum.* Atque ita Nota illa praevia in Theca etiam Autorem Robertum Concensem adpellat. Incipit hic Liber: *Circa istum secundum librum primo queritur utrum in deo sit ponens aliquam potentiam in ordine ad rem extra creandam &c.* et finit: *sed voluntas preferendo unum alteri secundum propriam libertatem. Explicit Liber Secundus.* Lectio admodum difficilis propter insolita scribendi compendia; verum Opus extra Angliam non minus rarum. Apud Waddingum in *Bibl. Ord.* p. 308. legas: *Robertus Concio Theol. Paris. scripsit Commentaria in IV. Libros Sententiarum.* Est et alius Gesnero in *Bibl. Couuton*, Waddingo *Contonius* alias *Cothon*, Oudino *Couton* seu *Cothon*, Fabricio *Conton*, *Cotton* et *Coonton*, Tannero *Coonton*, *Conton* sive *Cothon*. Atque omnibus his nominibus designari unum Concensem nostrum haud dubito, diversitate partim orta e Librariorum ignorantia, partim e similitudine litterae *t* et *c* illo aevo, cui nuntium et nuncium, pretium et precium et centum alia debemus. Anglum natione Oxonii primum, tum Parisiis literas excoluisse tradunt, atque

hic gradu theologico et titulo *Doctoris Amoeni* insignitum fuisse circa an. 1340. ut adeo Codex noster illius aetatem facile adtingat. Scripta illius apud Literatores citt. habes; nemo tamen praeter Gesnerum in ejus seculo lapsum, Oudinum *T. III. col. 934.* et Tannerum in *Bibl. Brit. Hib. p. 204.* diserte ait: in *IV. Sententiarum Libros* commentatum fuisse.

DXVI.

Codex membraneus lat. Sec. U. 441
XIV. Folior. 202. f. per duas columnas crassiuscule exaratus, coloribus distinctus et olim a celebri Mathematico nostro M. Johanne de Gmunden, qui a. 1442. vivendi finem fecit, donatus pro *Libraria collegij magistrorum Ducal.* hac rubrica gaudet: *Incipit primus sententiarum Magistri Landulfi Ord. M. De hoc Viro domo Caracciolo, Scoti auditore, Lectore Parisino, mox in patria Stabiarum primum, dein Amalphantano Praefule, demum a. 1351. vivis exento adeundus Waddingus, Ughellus, Toppius, Fabricius, qui post Waddingum ejus Scripta enumerat. Nostrum insit: Fundamentum primum Jaspis, 2^m saphirus, 3^m calcedonius, 4^m smaragdus, Apoc. 21. Augustinus doctor preclarus sacre scripture fastigium describens &c. et finit: in quo regnabimus cum illa concione beata exultantes in secula seculorum. Amen.* Subjecta est Quaestionum agitatarum Tabula.